

Վ. Հ. ԲԳՈՅԱՆ, Հայ ազգագրություն: Համալսարանի ուսվագիծ, Երևան, 1974, 287 էջ

Երևանի պետական համալսարանի հրատարակչությունը վերջերս լույս ընծայեց պատմական գիտությունների դոկտոր Վարդ Բղոյանի վերահիշյալ աշխատությունը՝ նվիրված հայոց կենցաղի ու մշակույթի բնութագրմանը:

Գրքի կարևորագույն արժանիքներից է այն, որ դրված է ժամանակակից գիտությունը հայտնի փաստերի հիման վրա: Հեղինակը օգտագործել է հնագիտական, մատենագրական, բանասիրական, ազգագրական նյութեր, ինչպես նաև գեղարվեստական դրականությունը, մանրանկարչությունը և իր հավաստի ազգագրական դաշտային հարուստ նյութերը:

Աշխատությունն սկսվում է «Աղբյուրների և դրականության տեսությունով», որտեղ հեղինակը տալիս է ուղղագրության բնորոշումը, նրա կապը հարակից գիտությունների հետ, բնութագրում այն ուղղագրությունների ու գրականությունների, որոնք հայոց ազգագրության ուսումնասիրության հիմքն են: Տրվում է նաև հայ ազգագրության դարգացման հակիրճ պատմությունը, որտեղ առանձնակի ուշադրություն է դարձվում Գ. Արվանձտյանցի և Կ. Լալայանի բեղմնավոր գործունեությանը:

Սակայն առաջնում կան որոշ վրիպումներ և սխալ մեկնաբանումներ: Այսպես՝ սկզբնաղբյուրները բնութագրելիս չեն հիշատակվում արարական և թուրքական աղբյուրները, որոնք բավականին արժեքավոր նյութեր են պարունակում հայոց կենցաղի և մշակույթի վերաբերյալ: Դժվար է համաձայնվել հեղինակի այն թեզին՝ հետ, որ ազգագրության հիմնական աղբյուր են «գրավոր հիշատակարանները» (էջ 3): Դա ճիշտ է միայն պատմական ազգագրության համար, որի ուսումնասիրությունն օրյեկտն են հին և անհետացած ժողովուրդները, իսկ առհասարակ ազգագրության հիմնական և կարևորագույն աղբյուր են ազգագրական դաշտային նյութերը, որոնք հավաքվում են անմիջական գիտումների և հարցումների միջոցով: Ծիշտ չէ նաև հեղինակի այն տեսակետը, ըստ որի ազգագրությունը որպես գիտություն Հայաստանում ձևավորվել է XIX դ. սկզբներին (էջ 10): Իրողությունն այն է, որ Գ. Արվանձտյանցի և Կ. Լալայանի գործունեության շնորհիվ XIX դ. 70—90-ական թվականներին միայն հայ ազգագրությունը ձևավորվեց իրրե գիտություն:

Գրախոսվող աշխատության առաջին դուխը նվիրված է տնտեսական կենցաղին, որտեղ ազգագրական, ինչպես նաև լայն համեմատական հարուստ նյութերի հիման վրա բնութագրվում են երկրագործությունը, անասնապահությունը, որսորդությունն ու ձկնորսությունը, տնային արդյունաբերությունն ու արհեստները, հաղորդակցության և կապի միջոցները: Հատկապես ուշադրավ է երկրագործական գործիքներին նվիրված հատվածը, ուր հեղինակը ձգտում է բացահայտել այդ գործիքների տեղական առանձնահատկություններն ու դասակարգել դրանք ըստ ազգագրական շրջանների: Նրան հաջողվել է առանձնացնել վարող գործիքների յոթ համալիր և ապացուցել, որ մինչև XX դ. սկիզբը վարող գործիքների բացարձակ ընդհանրացում Հայաստանում տեղի չի ունեցել: Ինչպես իրավացիորեն նշում է Վ. Բղոյանը, հայոց մեջ լայնորեն տարածվեցին նմանօրինակ արտերի առատամենին ու թրերը և գարգացած գուլանները:

Ուշագրավ է հեղինակի դրի առած շարացան համակարգը՝ Վանա լճի ավազանում, որը պահպանվել էր շաղացանին ղուղընթաց, Այդ համակարգը իրավամբ բնութագրվում է որպես երաշտի դեմ պայքարելու հուսալի ձև (էջ 46) և նրա հետ է կապվում այն հանգամանքը, որ Վասպուրականը հռչակված էր ցորենի բարձր բերքատվությամբ: Հետաքրքիր է, որ այդ համակարգը տեղացիների մեջ հայտնի էր տիւր և օգտագործվող վարող գործիքները՝ տիւր առու և տիւր գուլան անուններով:

Համոզիչ է հեղինակի՝ բերքահավաքի և կալսոցի գործիքները երկու խմբի բաժանելու փորձը, կապված բրիչային և արտային երկրագործության հետ (էջ 47): Այս հատվածում բերված են ճանաչողական առումով հետաքրքիր ներկայացնող բազմաթիվ նյութեր, որոնք վկա-

յում են դարերի ընթացքում հա՛յ ժողովրդի կուտակած փորձի, հմտության և աշխատանքանակների մասին: Սակայն հեղինակի ուշադրությունից չլրիպել է երկրագործական համակարգերի ընդլայնմանը, որին չափազանց մեծ նշանակություն է տրվում ժամանակակից ազգագրության մեջ: Ժողովրդի փորձն ու հմտությունները, ինչպես նաև երկրագործական մշակույթի դարգացման աստիճանը այսօր բնորոշվում են երկրագործական համակարգերով (անտառահատահրկիդային, հարոսային, ցանքաշրջանառային, դարավանդային և այլն): Երկրագործական համակարգերով բացահայտվում են նույնիսկ էթնիկական առանձնահատկությունները: Ֆանկտի կլիմեր հայերի կողմից մշակվող բույսերի վերաբերյալ ավելի մանրամասն տեղեկություններ հաղորդելու Բացի այդ՝ երկրագործական մշակույթին վերաբերող որոշ դրույթներ համոզիչ չեն թվում: Այսպես, օրինակ, գործիքների մեջ նկատվող տարբերությունները հեղինակը հակված է բացատրել «ցեղային ավանդների տեխնոլոգիական պրոցեսների պահպանմամբ» բոլոր աղագրական շրջաններում» (էջ 37), սոցիալ-տնտեսական, բնակիմայական, բաղաբական պայմաններին հատկացնելով երկրորդական տեղ: Մեր թվարկությունից դարեր առաջ էթնիկական համախմբված աշխարհի ժողովուրդ, ինչպիսիք հայերն էին, դժվար թե ցեղային ծագում ունեցող տարբեր պահպանելն մինչև մեր օրերը: Այդ տարբերությունների հիմնական պատճառը տեղի է բացատրել բնատնտեսության և մանր-ապրանքային կացութաձևի լճացման բնութիվով: Հենց այստեղ էլ հարկավոր է փնտրել հին գործիքների՝ հարյուրամյակների ընթացքում կական փոփոխությունների շնթարկվելը, այլ ոչ թե ժողովրդի ավանդապահության մասին: Հայտնի է, որ մինչև պիտանային տական շրջանում մշակույթի տարբերը հաճախ կրում էին ինչպես բնատարածքի, այնպես էլ նույնիսկ անհատի մականիչը:

Թվում է իրավացի չէ հեղինակը, երբ հայ ժողովրդի երկրագործական մշակույթը սկսում է ընդլայնվել բրիտանի երկրագործությունից, այն դեպքում, երբ արտադրանք երկրագործությունները Հայկական լեռնաշխարհով մեկ տարածվել էր դեռևս բրոնզի դարաշրջանում, երբ հայկական էթնոսը տակավին չէր ձևավորվել:

Մեծ հետաքրքրություն են ներկայացնում երկրագործական գործիքների անվանումները, որոնց մի մասը համահայկական է, մյուսը՝ տեղական, բնորոշ աղագրական շրջաններին: Սակայն միշտ չէ, որ գրախոսվող գրքում տրվում է դրանց հնարավոր ստուգաբանությունը, որը մեծապես կնպաստեր պատմամշակութային մի շարք հարցերի պարզաբանմանը, այդ թվում նաև՝ տեղական և փոխառնված տարբեր բացահայտմանը:

Անասնապահությանը նվիրված բաժինը մեծապես կշահեր, եթե ընդլայնվեին նաև անասնապահության ձևերը, որոնք տարբեր շրջաններում դանազանվում էին և խոր կնիք դնում բնակչության նիստ ու կացի վրա, պայմանավորելով մի շարք կենցաղամշակութային առանձնահատկությունների ձևավորումը: Ցանկալի էր տնայնագործության և արհեստների բաժնում ավելի շատ փաստական նյութ բերել, որպեսզի բացահայտվեր դրանց որակական ինտուիտիվությունը հայոց մեջ: Ընթերցողին նույնիսկ անհայտ է մնում, թե տնայնագործական և արհեստագործական ո՞ր ճյուղերն էին առավել տարածված ու դարգացած: Հայերին այնքան բնորոշ նույնիսկ բրոտագործությունը, քարակոփությունը, դարբնությունը, ջուլհակությունն ու պորգագործությունը արժանի հետազոտության չեն ենթարկվել:

Հետաքրքիր է հաղորդակցության միջոցներին նվիրված բաժինը, որտեղ ընդլայնվում են բնոտարությունը ավանդական ձևերը, գրաստի ու սայլի տարբեր տեսակների տարածումը Հայաստանում՝ կապված տեղի բնակչի մակերևույթի ու տնտեսական պայմանների հետ: Այստեղ մանավանդ ուշադրվում են հեղինակի հավաքած ազգագրական դաշտային հազվագեյ նյութերը:

Գրախոսվող աշխատության երկրորդ գլխում (նյութական մշակույթ) ընդլայնվում են բնակավայրերը, բնակելի և տնտեսական կառույցները, զգեստը ու զարդարանքը, կահ-կարասին և ուտեստը: Նյութի լավ իմացությունը հնարավորություն է տվել բացահայտելու մշակույթի վերոհիշյալ տարբեր բնորոշ առանձնահատկությունները և որակական ինքնատիպությունը հայոց մեջ: Այս բոլորը արվում է երկրի սոցիալ-տնտեսական և բաղաբական կյանքի պատկերի վրա, որը նպաստում է նյութի ճիշտ ընկալմանը և որակավորմանը: Հեղինակը ցույց է տալիս այդ տարբեր բաղաբանությունն ու տարբերությունը բաղաբում և գյուղում, տարբեր սոցիալական խավերում և ուրվագծում է այն փոփոխությունները, որոնք տեղի են ունեցել սովետական շրջանում: Առավել հաջողված է զոմի օդայի ընդլայնվողությունը, որը տրվում է բնակչության կենցաղի հետ սերտորեն շղկապված: Վ. Բդոյանը իրավացիորեն նշում է, որ անցյալում շատ շրջաններում զոմի օդան եղել է ոչ միայն անասնախնամ մարդկանց հանգստարանն ու ննջարանը, այլ նաև՝ հյուրասենյակ, հավաքատեղի, դժարճասենյակ և այլն (էջ 81):



«Ձգեստ և զարդարանք» ենթարձանում ջայտուն ձևով արտացոլված են տարազի (հատկապես կանացի) տեղական առանձնահատկությունները, որոնք որոշակիորեն տարբերվում են ըստ ազգագրական շրջանների: Բայց այստեղ էլ դժվար թե ընդունելի լինի հեղինակի այն թեզը, ըստ որի այդ տարբերություններն ու առանձնահատկությունները բացատրվում են նրանով, որ «յուրաքանչյուր ժողովուրդ իր մեջ ժառանգում է ցեղային միությունների որոշ ավանդներ» (էջ 96):

Ցանկալի կլիներ, որ հեղինակը ավելի մեծ տեղ հատկացներ բնակավայրերի էթնոլոցիային, բնակելի կառույցների բազմազանությանը և կնոջ գլխի ավանդական հարդարանքին, որը կենցաղա-մշակութային առումով չափազանց մեծ հետաքրքրություն է ներկայացնում և տարազի ազգագրորեն առավել հետաքրքիր տարրն է:

Երրորդ գլխում (Հասարակական կենցաղ) փաստորեն արծարծվում են հարցեր՝ կապված միայն ընտանեկան կենցաղի և ազգակցական հարաբերությունների հետ: Հեղինակը պատմա-ազգագրական նյութերի հիման վրա բնութագրում է նահապետական գերդաստանը և նրա վերապրուկները, ներընտանեկան հարաբերությունները, փոքր ընտանիքը, նրա կառուցվածքն ու կազմը, ամուսնության ավանդական և ժամանակակից ձևերը, հարսանյաց ծիսակատարությունները:

Այս գլխում շարադրվածը կշահեր, եթե հեղինակը կիրառեր մեկ այլ արդյունավետ մեթոդ: Նա նյութը բաժանում է ըստ ժամանակաշրջանների և բնութագրում առանձին-առանձին: Այսպես, օրինակ, առանձնացնում է «Ընտանեկան կենցաղը մինչև XIX դ.» և «Ընտանիքն ու ընտանեկան կենցաղը XIX—XX դդ.», «Ամուսնությունը միջնադարում» և «Ամուսնությունն ու ամուսնական սովորությունները XIX—XX դդ.», ցանկանալով տալ պատմական դարգացման ընթացքը, որը սակայն, վաղ շրջանի նյութի կցկուտուր լինելու պատճառով չի հաջողվում հեղինակին: Եվ պատահական չէ, որ, օրինակ, «Ընտանեկան կենցաղը մինչև XIX դ.» բաժնում նա չի բնութագրում նահապետական գերդաստանը, իսկ հաջորդ «Ընտանիքը և ընտանեկան կենցաղը XIX—XX դդ.» հատվածում արդեն այն դիտվում է որպես վերապրուկ և նոր միայն բնութագրվում: Այս բաժնում չի նպաստում տարբեր ժամանակաշրջանների նյութերի համատեղ վերլուծությանը և կենցաղային տարրեր իրենց ճիշտ որակավորումը չեն կարող ստանալ: Ծանկալի կլիներ կիրառել ժամանակակից գիտության մեջ ընդունված պատմա-ազգագրական վերականգնման կոմպլեքսային մեթոդը, որը հնարավորություն կտար իմաստավորելու և՛ հին, և՛ նոր երևույթները:

Հարսանիքի հետաքրքիր բնութագրման մեջ գրեթե չի արտացոլված քավորի կարևոր գերը, որն այնքան բնորոշ էր հայոց մեջ: Պարզունակ ևն ծիսական կարգերի և սովորույթների բնութագրությունները: Այս բաժնում հաճախ են օգտագործվում ընթերցողների լայն շրջաններին անծանոթ օտարաժուտ տերմիններ, որոնք ունեն իրենց հայերեն հոմանիշները (օրինակ, մատրիլոկալ՝ մայրատեղային, պատրիկոկալ՝ հայրատեղային, սորորատ՝ քենամուսնություն և այլն): Տերմինների սխալ օգտագործումը կարող է շփոթ առաջացնել ընթերցողի մեջ: Օրինակ, «գիսլոկալ տարաբնակեցում» (էջ 139) արտահայտությունը սխալ է, քանի որ լատինական «գիսլոկալ» տերմինն ինքնին նշանակում է «տարաբնակ»: Մյուս կողմից՝ «գիսլոկալ» (տարաբնակ) են անվանում ոչ թե «կարճ կամ երկար նշանված մնալուն» (էջ 139), այլ ամուսինների առանձին-առանձին տարբեր տեղերում (գյուղերում, համայնքներում և այլն) ապրելուն:

Աշխատության վերջին գլուխը (Հոգևոր մշակույթը) ընդգրկում է բանահյուսությունը, պարավեստը, ժողովրդական խաղերն ու տոները, կրոնական հավատալիքներն ու հայ հեթանոսական պանթեոնը: Առավել հաջողված կարելի է համարել ժողովրդական տոներին նվիրված հատվածը, որտեղ մասամբ հեղինակի հավաքած ազգագրական հարուստ նյութերով բնութագրվում են հայոց տոնացույցի հիմնական տոները և բացահայտվում դրանց առանձնահատկությունները:

Աշխատությունը կշահեր, եթե արտացոլվեին միևնույն տոների տարբերակները և դրանց պահպանման աստիճանը ազգադրական տարբեր շրջաններում, ինչպես դա կատարվել է վարող գործիքների, տարազի բաժիններում: Սխեմատիկ և պակասավոր է բանահյուսությանը վերաբերող հատվածը, որտեղ ավելի շատ խոսվում է բանահյուսության նշանակության և ժանրերի տեսակների մասին, իսկ որ առավել կարևոր է՝ հայոց բանահյուսության որակական ինքնատիպությունը, նրա մեջ ազգային կենցաղի ու մշակույթի արտացոլումը դուրս են մնացել:

Ընթերցողը հետաքրքրվում է հավատքի բաժնում բերված նյութերին, ուր հեղինակը հստակ բնութագրում է քարի, հողի, աղի, ջրի, լուսատուների ու կրակի պաշտամունքը հայոց մեջ, այն սերտորեն կապելով ժողովրդի նիստ ու կացի հետ: Գրախոսվող գրքում:

առանձին բնություն առարկա են դարձել կենդանիների հետ կապված սնահավատությունները (ուր միահյուսված են բնութագրվում ընտանի, վայրի և առասպելական կենդանիների պաշտամունքները) և երկրագործական պաշտամունքը, որը, թվում է, այնքան էլ ճիշտ չէ: Ցույի պաշտամունքը տրվում է անասնապահական պաշտամունքի մեջ, բայց նրա իսկական տեղն ու դերը կարելի է հասկանալ միայն երկրագործության հետ կապված, բանի որ հենց այդ կապի շնորհիվ է ցույի պաշտամունքը առաջնային տեղ գրավում հայոց մեջ: Ուստի նպատակահարմար կլինեի համատեղ դիտել երկրագործական և բուն անասնապահական պաշտամունքները:

Ուշադրավ են «Երկրագործական պաշտամունքը» հատվածում բերված փաստական տվյալները, որոնք որոշակիորեն վկայում են երկրագործության հետ կապված մի շարք գործիքների ու սարքերի պաշտամունքային առարկա լինելը (գութանը, արորը, դրանց բաղկացուցիչ մասերը և այլն): Այս նյութերը ես հայ ժողովրդի երկրագործական մշակույթի հնադարյան ավանդների վառ ապացույցն են և վկայում են տնտեսության այդ ճյուղի գերակշռության մասին:

Հարուստ նյութերով ու հետաքրքիր վերլուծություններով է հագեցված «Հայ հեթանոսական պանթեոնը», ուր հիմնական աստվածների մանրամասն բնութագրություններն են տրվում: Առավել խրախուսելին այն է, որ այդ բոլորը տրվում է նաև բաղմամբիվ կենցաղային երևույթների հիման վրա: Առանձին ուշադրություն է դարձված հայ ավանդական դյուցազունների, հատկապես Հայկի, Արամի, Արա Գեղեցիկի և Տորք Անգեղի կերպարներին, նրանց հետ կապված ավանդատումներին ու ասացվածքներին:

Սակայն այս բաժնում ես որոշ կարևոր հարցեր կամա թե անկամա շրջանցվել են: Այսպես, օրինակ, ժողովրդական կերպերական և կերպարվեստները, երաժշտական բանահյուսությունը, բնորոշ հայկական երաժշտական գործիքները, գութանական արվեստը և մի շարք այլ բնագավառներ, որոնք անհամեմատ արժեքավոր կղարծենին հոգևոր մշակույթին նվիրված հատվածը:

Այս բնույթի աշխատության մեջ անհրաժեշտ էր հենց սկզբից հայերի մասին տալ ընդհանուր տեղեկություններ, հակիրճ բնութագրելով հայոց ժազումնարանությունը և լեքիկական պատմությանը վերաբերող ժամանակակից հայագիտության մեջ եղած վարկածները, հայ ժողովրդի տարաբաշխվածությունը և այլն:

Հասարակական կենցաղի բաժնում հեղինակը շրջանցել է այնպիսի մի կարևորագույն բնագավառ, ինչպիսին է գյուղական համայնքը, որի վերապրուկներն, ընդհուպ մինչև խորհրդային շրջանը, գոյատևում էին բավականին պահպանված ձևով: Սվ հայկական գյուղին, հայկական տարրին հենց հնագույն շրջանից բնորոշ են եղել համայնական նորմաներն ու ավանդույթները: Ուստի դրանց ընդգրկումը անհրաժեշտ ելակետ կհանդիսանար ճիշտ ընկալելու և յրականվորելու կենցաղային սովորույթների շատ կողմեր:

Շահավետ կլինեի, եթե ավելի հետևողականորեն ու լայնորեն բնութագրվեին խորհրդային շրջանում հայ ազգի կենցաղի ու մշակույթի որակական ինքնատիպությունը, ժամանակակից և ավանդական տարրերի հարաբերակցությունը տարբեր բնագավառներում, ազգային առաջադեմական ավանդույթների զարգացումը մեր օրերում: Դա կարելի էր կենսագործել երկրագործական և անասնապահական մշակույթների, բնակավայրի ու բնակարանի, ուտեստի, ընտանեկան կենցաղի, պարային, երգեցողական և կերպարվեստների բնագավառներում:

Այս ամենով հանգերձ՝ ազգագրագետ Վ. Բզդյանի սույն աշխատությունը ուշադրության արժանի գործ է, որը կնպաստի ապագայում այս բնույթի նոր, ավելի լայն ու խորը ընդգրկում տնեցող աշխատությունների հանդես գալուն:

ՅՈՒ. Ի. ՄԿՐՏՈՒՄՅԱՆ

Պատմական գիտությունների թեկնածու